



Broj: 04-GV-04-1662/21  
Sarajevo, 16.12.2021. godine

*ZAPISNIK O RADU*  
*10. SJEDNICE KOMISIJE ZA SPOMENIKE GRADSKOG VIJEĆA*  
*GRADA SARAJEVA*  
*ODRŽANE 16.12.2021. GODINE*

Prisutni:

1. Damir Dinarević, predsjedavajući
2. Jelena Samardžić, zamjenica predsjedavajućeg
3. Aldijana Kulin, članica
4. Edin Veletovac, član
5. Denis Čolić, član
6. Hazim Bahtanović, član

Odsutan: Almedin Miladin, član

Članovi Komisije Edin Veletovac i Aldijana Kulin su najavili kašnjenje na sjednicu.

Sjednici iz Stručne službe Gradskog vijeće Grada Sarajeva prisustvuje:

- Mila Eminović Rizvanović, sekretar Gradskog vijeća Grada Sarajeva
- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Predsjedavajući Komisije je u 13.08. sati otvorio sjednicu, pozdravio prisutne te utvrdio kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu Devete sjednice Komisije za spomenike Gradskog vijeća Grada Sarajeva održane 02.12.2021. godine.

Predsjedavajući Komisije je podsjetio da je uz poziv za sjednicu naknadno dostavljen na razmatranje materijal pod tačkom 5. prijedloga dnevnog reda, te predložio da se isti razmatra pod tačkom 4. dnevnog reda, što su članovi Komisije prihvatili.

Poslije uvodnih napomena, na prijedlog Predsjedavajućeg, jednoglasno je usvojen sljedeći **dnevni red**:

1. Prijedlog Programa rada Gradskog vijeća Grada Sarajeva za 2022. godinu
2. Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu
3. Utvrđivanje Prijedloga Odluke o podizanju Spomen-ploče poginulim pripadnicima Zelenih beretki pri akciji oslobađanja kote 1162 - Vidikovac
4. Nacrt Strategije razvoja Grada Sarajeva 2021.-2027.
5. Tekuća pitanja



## TAČKA 1.

### *Prijedlog Programa rada Gradskog vijeća Grada Sarajeva za 2022. godinu*

Član Komisije Edin Veletovac pristupio je sjednici u 13.13 sati.

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove, te sugerisao Komisiji za spomenika da se izmjene rokovi za razmatranje Odluke o podizanju spomenika civilnim žrtvama Grada – Kantona Sarajevo tako da se Nacrt razmatra u mjesecu aprilu, a prijedlog u junu mjesecu.

Poslije uvodnog izlaganja i rasprave, na prijedlog Predsjedavajućeg, Komisija za spomenike je jednoglasno usvojila sljedeće **zaključke**:

1. Komisija za spomenike sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje prijedloga predstavnika Gradonačelnice da se Odluka o podizanju spomenika civilnim žrtvama Grada – Kantona Sarajevo u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu aprilu, a Prijedlog u mjesecu junu.
2. Komisija za spomenike sugeriše Gradskom vijeću Grada Sarajeva, uz uvažavanje prijedloga predstavnika Gradonačelnice da se Odluka o podizanju spomenika bosanskom kralju Tvrtku I Kotromaniću u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu februaru a Prijedlog u mjesecu aprilu.

Predsjedavajući Komisije zbog ranije preuzetih obaveza napustio je sjednicu u 13.22 sati, te je predsjedavanje sjednicom preuzela Jelena Samardžić, zamjenica Predsjedavajućeg.

Aldijana Kulin, član Odbora pristupila je sjednici u 13.23 sati.

## TAČKA 2.

### *Prijedlog Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu*

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove

Poslije uvodnog izlaganja te sažetka zamjenice Predsjedavajućeg, Komisija za spomenike je jednoglasno usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Program podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2022. godinu* kako je predložen

## TAČKA 3.

### *Utvrđivanje Prijedloga Odluke o podizanju Spomen-ploče poginulim pripadnicima Zelenih beretki pri akciji oslobađanja kote 1162 - Vidikovac*

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja, na prijedlog zamjenice Predsjedavajućeg, Komisija za spomenike je jednoglasno usvojila sljedeće **zaključke**:

1. Komisija za spomenike usvaja Izvještaj o provedenoj javnoj raspravi na Nacrt Odluke o podizanju Spomen-ploče poginulim pripadnicima Zelenih beretki pri akciji oslobađanja kote 1162 – Vidikovac.
2. Komisija za spomenike utvrđuje Prijedlog Odluke o podizanju Spomen-ploče poginulim pripadnicima Zelenih beretki pri akciji oslobađanja kote 1162 - Vidikovac sa idejnim rješenjem, koje je sastavni dio ove odluke i upućuje ga Gradskom vijeću na razmatranje, uz izmjenu datuma na spomen-ploči tako da umjesto 08.06.2021. godine stoji samo godina 2022.

#### *TAČKA 4.*

##### *Nacrt Strategije razvoja Grada Sarajeva 2021.-2027.*

Uvodno izlaganje podnio je Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja, na prijedlog zamjenice Predsjedavajućeg, Komisija za spomenike jednoglasno je usvojila sljedeći **zaključak**:

Komisija za spomenike sugeriše Gradskom vijeću Grada Sarajeva da razmatra *Nacrt Strategije razvoja Grada Sarajeva 2021.-2027.* kako je predložen i uputi ga u javnu raspravu.

#### *TAČKA 5.*

##### *Tekuća pitanja*

Pod ovom tačkom dnevnog reda nije bilo zaključaka niti rasprave.

*ZAMJENICA PREDSJEDAVALJUĆEG KOMISIJE*

*Jelena Samardžić, s.r.*

Zamjenica Predsjedavajućeg Komisije je u 13.40 sati zaključila rad 10. sjednice Komisije za spomenike Gradskog vijeća Grada Sarajeva.